

IN MAGISTRORVM PROMOTIONEM POEMATION CONGRATVLATORIVM M. GEORGII THEANDRI.



Dicite, Pierides, festas de more choreas, Tuq; Thalia leui pollice sinistra quate. Post reliqua ad sonitum molles suspendite passus, Flexilia in curuos flectite membra sinus. Ingenia en studijs, uestrisq; exercita curis, Praemia peruigili parta labore ferunt. Thespiadum iuuenes generosi castra secuti, Pallados, innuptae signaq; sacra Deae, Artes excoluere bonas, Diuasaq; Camoenas, Perdidicere, chorus quaeque Helyconis habet. Sedula formandae praecpta Polymnia linguae, Primasq; sermonis recti elementa dedit, Quidquid magna Cleaethis habet Dialectica summi, Euterpe docuit, quidquid et ipse Zeno. Melpomene dictis animos mulcere disertis, Verbaq; facundo tradidit ore loqui. Terpsichore docuit numerorum cuncta teneri Legibus, his constat, quidquid in orbe manet. Iam terrae spatium, montes, coelique meatus Descripsit radio docta Thalia suo. Quos faciat modulos discors symphonia uocum, Plecta gerens Erato tradidit artis ope. Tradidit Uranie, caelum quos torqueat orbis, Quos peragant cursus sidera pulchra uagos. Clio gesta uirum, clades, et praelia regum, Historias canit, et fortia facta Ducum. Diuina celebres fecit uos arte poetas, Doctaque concessit carmina Calliope. Circulus ingenuas artes, quas continet, omnes, In medio residens magnus Apollo dedit. Post ait, Exornat quos tanta scientia rerum, Accipiant meritis praemia digna suis. Carpite de Lauro uirides Parnaside ramos, Et tenera Musae neclite ferta manu. Dicite, Virtutis Iuuenes haec praemia uestra, Ista caput uestrum pulchra corolla premat. Conspicuos caeso referentis ab hoste Triumphos, Cinxit honoratum Laurus opima caput. Qui praecclarus erat pompa comitatus Ouali, Praemia uirtutis Myrtea ferta tulit. Herbofo Fabius meruit de gramine ferta, Ausonas eripuit dum obsidione graui, Quiq; suum dubio seruauit in agmine ciuem, Gloria de Quercu flexa corona fuit,

Victor Olympicae magno sudore palaestrae, Pinguis Oliua stri praemia laudis habet. Sic studijs uoluere bonis decernere patres Virtutum titulos, iustaque praemiola. Addit honos laudis stimulos, atq; excitat artes, Excitat immensum pectora laudis amor. Iam si defuerit pulchris sua gloria Musis, Quis tantis studijs insequeretur eas. Non erit ulla boni ratio, non denique recti Cura, neq; literis si sua dona bonis. Quis durum superabit iter Virtutis honestae? Si artibus ingenuis dona negare uelis. Ergo uirum bene quam cingit nunc tempora docta Laurus, et Aonia nexa corona manu, Quos decorat sollers, et magna peritia rerum, Quiq; libris animos erudire suos. O uos uirginei nobles Helyconis alumni, Nomen, et haec uobis fama perhennis erit. Sic rapuit decus, et Pimpleae forma puellae, Ut fuerit uobis sarcina nulla grauis. Sic uos Castalides sacro fonte rigarunt, Ut merito cingant Lauream ferta caput. Hanc nunc Laureolam peperit, nomenq; Magistri Improbus artis amor, cura, laborq; uigil. Hos nunc arte uiros celebres imitare luuenta, Laurigeras propere sic comitare Deas. Socraticis uitae studijs, morumq; magistris, Mollia sic literis imbue corda bonis. Hos dedit eximios titulos, non somnus abundus, Non quoq; torpor iners, desidiaq; malum, Non animi pestis nocturni pocula Bacchi, Oscula, non Paphiae molle cubile Deae. Sed labor, ingenium uigil, et super omnia, cura, Qua sine nulla tibi gloria magna uenit. Hosce uiris titulos magni genuere labores. Haec dedit immensus Delphica ferta labor, Gratulor illustri Virtuti praemia cerni, Gratulor haec laudis digna braueia dari. Gratulor o uos egregios duxisse triumphos, Gratulor hos fructus, nunc titulosq; sequi. Viuite nunc precor, et memores estote Theandri. Viuite Grynai maxima cura Dei.

Ingolstadij Alexander Weyssenhorn proCUSIT.

